

Reglar for utlån og fordeling av treningstid i Bø skule fleirbrukshall

Generelt

Bø skule fleirbrukshall kan leigast ut til alle registrerte lag og organisasjonar heimehøyrande i Hå kommune. Leige av hallen til lag og organisasjonar i kommunen er gratis* til trening, kamp eller liknande ordinære lagsaktivitetar.

* Gratisregelen gjeld ikkje for større inntektsgjevande arrangement.

For utleige til private, andre lag og organisasjonar eller til større arrangement gjeld leigeisatsar fastsett av Hå kommune.

Faste treningstider i Bø skule fleirbrukshall er måndag til fredag kl.16:00 – 23:00.
Hallen er stengt i skulen sine feriar.

Utleige må ikkje vera til hinder eller ulempe for Hå kommune si verksemd i samsvar med lov, forskrift eller vedtak. Leigetakar må vike plass for arrangement i regi av Hå kommune. Varsling må skje minst 14 dagar på førehand.

For å få tildelt treningstid må laget/klubben søke på eige elektronisk søknadsskjema på www.ha.kommune.no

Søknadsfrist er 1. mai

Fordeling av timar/dagar vert fastsett innan 1. juni for påfølgjande skuleår.

Tildeling av treningstider

Hå kommune fordeler treningstider til idrettslag tilslutta Norges Idrettsforbund (NIF) etter tilråding frå Hå idrettsråd.

Hå kommune fordeler tid til andre søkergrupper dvs. andre enn idrettslag tilslutta NIF.

Organiserte lag som er medlem av NIF, via Hå Idrettsråd, er prioritert ved tildeling av treningstider. Inneidrettar (t.d håndball, turn) blir prioritert før uteidrettar (t.d. fotball). Grunna klisterforbod i hallen vert det ikkje tildelt brukstid til håndballag frå og med 14-årklassen og eldre.

Det vert og sett av halltid til andre organiserte kulturaktivitetar.

Uorganiserte lag og privatpersonar vil kun bli tildelt treningstid viss det blir ledig tid etter at organiserte lag og grupper har fått tildelt sine timar.

Barn og unge under 19 år er prioritert fram til kl.21.00 , yngste utøvarar får så langt mogleg tildelt treningstid tidleg på ettermiddag/kveld.

Viss tildelt treningstid ikkje blir nytta, pliktar leigetakar å gi melding til Hå kommune så snart som mogleg. Hå Idrettsråd/Hå kommune kan omfordele tildelt treningstid ved behov.

For storbrukarar av hall (t.d. Nærbø IL, Nærbø turn) vert det ikkje gjort ei detaljert fordeling (dvs. kva timar kvart lag/undergruppe skal ha), men fordeling på overordna nivå.

Etter hovedfordeling vil ledige timar gjennom året, og eventuell søknad på desse, bli administrert av Hå kommune.

Kontoradresse:	Postadresse:	Telefon:	Telefax:	Org nr:
Rådhusg 8, 4360 Varhaug	Postboks 24, 4368 Varhaug	51 79 30 00	51 79 30 01	964 969 590

Leige i helger

Leige i helger til cup, seriespel eller andre arrangement må spesifiserast ved søknad om halltid. Frittstående arrangement må avtalast med administrasjonen på Bø skule.

Terminfesta kampar og seriespel er gratis for leigetakarar i hallen.

Ordensreglar

- ❖ Generelle ordensreglar ved Bø skule gjeld for all bruk av fleirbrukshall og tilhøyrande uteområde.
- ❖ Leigetakar skal oppgi namn på minst ein person som ansvarleg kontaktperson. Dette skal oppgis i god tid før sesongstart. Ingen aktivitet skal setjast igang før dette er ordna.
- ❖ Leigetakar er ansvarleg for å gjera seg kjent med ordensreglar, brannvernreglar og reglar for bruk av utstyr som skal nyttast.
- ❖ Leigetakar er ansvarlig for ro og orden, at ikkje uvedkommande har adgang til anlegget og at brukarane innan lag og grupper opptrer i samsvar med reglementet.
- ❖ Ved arrangement skal leigetakar sørge for nødvendige vakthald (ordensvakt, parkeringsvakt, garderobevakt, o.l.)
- ❖ Røyking og bruk av alkohol eller andre rusmidler er forbudt i hallen.
- ❖ Leigetakar stiller nødvendig mannskap for plassering/rydding av alt utstyr som vert nytta. Alt idrettsmateriell som er brukt, også nett av alle slag, skal ryddast på plass etter bruk.
- ❖ Slepning av hardt utstyr på golv er strengt forbode.
- ❖ Ballspel skal ikkje utøvast andre stader enn i idrettshallen. For fotballspel er kun innandørsfotball tillatt brukt.
- ❖ Treningssko som set merke i golv er ikkje tillatt brukt i idrettshallen.
- ❖ Leigetakar er ansvarleg og erstatningspliktig for skader på idrettsanlegg og utstyr. Eventuelle skader skal straks meldast til administrasjonen på Bø skule.
- ❖ Personar som bryt reglementet, viser usømmelig framferd eller på annan måte er til sjenanse for brukarar av hallen skal bortvisast av ansvarleg leigetakar.

Håndballklister

- ❖ Det er ikkje tillate å bruke håndballklister i Bø skule fleirbrukshall.
- ❖ Leigetakar pliktar å sjå til at laga respekterer regel om klisterbruk. Ved brot på reglementet vil leigetakar bli ilagt straffegebyr. Det vil og kunne føra til utestenging av håndballaktivitetane.